

*JABATAN PERKHIDMATAN VETERINAR MALAYSIA*

## **LAPORAN LIPUTAN MEDIA**

**5 OKTOBER 2020**

1. Semua Klinik perlu ikut peraturan
2. 'Tak sanggup dah tengok kerbau mati'
3. PGA rampas 3.87 tan ayam sejuk beku seludup bernilai RM38.700
4. Padah bawa balik kucing dari Moscow
5. Maqis rampas dua kucing cuba dibawa masuk dari Rusia
6. 2 Smugglers caught with 3,000kg of frozen chicken

OLEH:

**SEKSYEN KOMUNIKASI KORPORAT  
BAHAGIAN PERANCANGAN STRATEGIK DAN PENILAIAN VETERINAR  
JABATAN PERKHIDMATAN VETERINAR MALAYSIA**

# KERATAN AKHBAR

Tarikh: 5 Oktober 2020

Media Cetak/Elektronik	Berita Harian	Catatan:
Ruangan	Nasional	
M/Surat	8	
Perkara	Garis Panduan Sisa Klinikal	

Klinik haiwan dikesan buang sisa klinikal di Sungai Gong

## Semua klinik perlu ikut peraturan

**Kuala Lumpur:** Semua klinik swasta, sama ada merawat manusia atau haiwan perlu mengikut garis panduan ketat dalam pengurusan pelupusan sisa klinikal kerana kecuai dalam aspek itu boleh membahayakan kesihatan awam.

Presiden Persatuan Doktor-Doktor Veterinar Asia, Datuk Dr Quaza Nizamuddin Hassan Nizam, berkata seperti klinik lain, klinik haiwan tidak terkecuali perlu mematuhi peraturan ditetapkan kerana sisa klinikal seperti jarum atau kapas mengandungi kuman atau bakteria.

"Sisa klinikal seperti jarum atau kapas mengandungi kuman atau bakteria boleh merebak ke tempat lain. Sebab itu, setiap klinik termasuk klinik haiwan per-

lu mengikut garis panduan Kementerian Kesihatan, terutama dalam pelupusan sisa klinikal.

"Jika sisa klinikal tidak dilupuskan dengan betul, kita bimbang penyakit, kuman atau bakteria yang ada pada sisa itu mengakibatkan jangkitan yang tidak sepatutnya. Inilah tujuan utama prosedur pelupusan sisa klinikal diwujudkan," katanya ketika dihubungi *BH*, semalam.

*BH* difahamkan, semua ubat-ubatan yang digunakan untuk merawat haiwan adalah berbahaya jika tidak dilupuskan dengan betul.

Mengulas tindakan sebuah klinik haiwan membuang sisa klinikal ke dalam Sungai Gong di Rawang, beliau menyifatkan ia perbuatan tidak bertanggung-

wab dan tidak sepatutnya berlaku dalam sektor perkhidmatan berkenaan.

"Perbuatan dilakukan klinik berkenaan adalah salah kerana tidak mengikut garis panduan klinikal, sekali gus boleh memberi kesan besar kepada alam sekitar serta membahayakan kesihatan awam," katanya.

Kelmarin, *BH* melaporkan, sebuah klinik haiwan dikesan membuang sisa klinikal seperti jarum, picagari dan bekas dipercayai digunakan dalam pembedahan yang masih mempunyai kesan darah.

Penemuan oleh pegawai penyiasat Jabatan Alam Sekitar (JAS) itu turut disaksikan Ketua Setiausaha Kementerian Alam Sekitar dan Air, Datuk Seri Dr Zaini Ujang yang menyertai gotong-royong membersihkan sebahagian Sungai Gong untuk dijadikan denai.

Berikutan itu, JAS membuka kertas siasatan dan mengambil tindakan mengikut Seksyen 3b Akta Kualiti Alam Sekeliling 1974.

Dr Quaza Nizamuddin berkata, setiap doktor haiwan mempunyai kod etika ketat dan perlu dipatuhi.

Katanya, klinik swasta biasanya menyerahkan urusan pelupusan sisa klinikal kepada syarikat luar mempunyai kelulusan berkaitan kerana bahan itu tidak boleh dibuang sewenang-wenangnya.



**Klinik haiwan tidak terkecuali perlu mematuhi peraturan ditetapkan kerana sisa klinikal seperti jarum atau kapas mengandungi kuman atau bakteria.**

**Quaza Nizamuddin Hassan Nizam,**  
Presiden Persatuan Doktor-Doktor Veterinar Asia

Awal bulan lalu, 1,292 kawasan di tujuh wilayah sekitar Lembah Klang mengalami gangguan bekalan air berikutan pencemaran Sungai Gong akibat pencemaran minyak dari industri berhampiran sehingga menjejaskan kira-kira lima juta pengguna.



Keratan akhbar *BH* Ahad semalam.

# KERATAN AKHBAR

Tarikh: 5 Oktober 2020

Media Cetak/Elektronik	Harian Metro	Catatan:
Ruangan	Lokal	
M/Surat	10	
Perkara	Kawalan Penyakit	

MUHAMMAD Syukur memberi makan kerbau ternakannya.



## 'Tak sanggup dah tengok kerbau mati'

**Kuala Terengganu:** "Saya lega kerana baki kerbau yang tinggal tidak sakit dan mati lagi," kata Muhammad Syukur Khamis.

Muhammad Syukur, 15, atau lebih dikenali sebagai Mowgli Malaysia berkata, dia sudah mula ke sekolah sejak seminggu yang lalu dan menjalani rutin hariannya seperti biasa.

"Tidak perlu lagi berada di kandang setiap masa, hanya pada waktu petang sahaja saya ke kandang kerbau untuk memberi makan dan mengurusnya.

"Kerbau tidak perlu lagi dipantau seperti sebelum ini iaitu ketika pada awal penyakit hawar berdarah (HS) menyerang ternakan.

"Saya bersyukur kerana sebanyak 53 kerbau yang tinggal tidak lagi menunjukkan tanda-tanda dijangkiti penyakit HS itu," katanya ketika ditemui di rumahnya di Kampung Banggol Katong, Serada, semalam.

Katanya, dia difahamkan semua ternakannya itu akan diberikan suntikan pelalian hawar berdarah oleh Jabatan Perkhidmatan Veterinar (JPV) Kuala Terengganu minggu hadapan.

Menurutnya, kejadian ternakan diserang penyakit itu memberi pengajaran kepada dia dan keluarganya.

"Selepas ini kami akan pastikan semua ternakan termasuk kerbau, lembu, kambing dan ayam yang ditenak sentiasa mendapatkan suntikan pelalian mengikut jadual yang ditetapkan.

"Tidak sanggup lagi melihat ternakan mati mengejut kerana penyakit berkenaan," katanya.

Harian Metro sebelum ini melaporkan 57 daripada 110 kerbau yang ditenak keluarganya mati secara tiba-tiba sejak 9 September lalu kerana diserang penyakit Hemorragic Septicaemia (HS) atau hawar berdarah.

**“53 kerbau yang tinggal tidak lagi menunjukkan tanda-tanda dijangkiti penyakit HS itu.”**  
Muhammad Syukur



# KERATAN AKHBAR

Tarikh: 5 Oktober 2020

Media Cetak/Elektronik	Kosmo	Catatan:
Ruangan	Negara	
M/Surat	14	
Perkara	Penguatkuasa	

## PGA rampas 3.87 tan ayam sejuk beku seludup bernilai RM38,700

Oleh YATIMIN ABDULLAH

**PASIR MAS** – Pasukan Gerakan Am (PGA) Batalion 7 merampas ayam sejuk beku bernilai RM38,700 selepas menahan sebuah lori di Jalan Lubok Jong di sini kelmarin.

Pegawai Pemerintah PGA Batalion 7, Superintendan Azhari Nusi berkata, rampasan berkenaan dibuat kira-kira pukul 7.30 malam oleh anggota PGA yang sedang melakukan rondaan apabila mengesan sebuah lori dipandu dalam keadaan mencurigakan di kawasan Lebuhraya Rantau Panjang-Pasir Mas.

Katanya, anggota PGA terus mengekori dan kemudian berjaya menahan lori itu di jalan Lubok Jong dekat sini.

"Penahanan lori itu membawa kepada penemuan ayam sejuk beku seberat 3.87 tan yang dibawa masuk ke negara ini tanpa dokumen sah.

"Pemeriksaan lanjut mendapati nombor pendaftaran lori tidak sama seperti maklumat yang dikemukakan di dalam dokumen," katanya ketika dihubungi *Kosmo!* di sini semalam.

Menurut Azhari, siasatan awal mendapati, ayam sejuk beku itu dibawa masuk melalui Kompleks



**ANTARA** bungkusan ayam sejuk beku seludup yang dirampas susulan penahanan sebuah lori di Jalan Lubok Jong, Pasir Mas kelmarin.

Kastam, Imigresen, Kuarantin dan Keselamatan (ICQS) Rantau Panjang.

Katanya, ayam-ayam itu dibawa masuk tanpa membuat pengisytiharan kepada pihak Jabatan Perkhidmatan Kuarantin dan Pemeriksaan Malaysia (Maqis).

"Kita turut menahan pemandu serta kelindan lori berusia 23 dan

34 tahun bagi membantu siasatan berkaitan kes berkenaan.

"Nilai keseluruhan rampasan termasuk lori yang digunakan untuk aktiviti menyeludup itu dianggarkan berjumlah RM148,700," katanya.

Kes disiasat mengikut Sekyen 11(1) Akta Perkhidmatan Kuarantin dan Pemeriksaan Malaysia 2011.

# KERATAN AKHBAR

Tarikh: 5 Oktober 2020

Media Cetak/Elektronik	Kosmo	Catatan:
Ruangan	Negara	
M/Surat	7	
Perkara	Kawalan Penyakit	


## Padah bawa balik kucing dari Moscow

**SHAH ALAM** – Tindakan seorang pelajar Malaysia di sebuah universiti dari luar negara membawa pulang dua ekor kucing dari baka Scottish Fold tanpa sijil kesihatan veterinar membawa padah apabila haiwan tersebut dirampas di Lapangan Terbang Antarabangsa Kuala Lumpur (KLIA) baru-baru ini.

Kejadian berlaku pukul 2 petang, pada 29 September lalu ketika pelajar wanita berusia 26 tahun itu baharu tiba dari Moscow, Rusia.

Pengarah Jabatan Perkhidmatan Kuarantin dan Pemeriksaan Malaysia (Maqis) Selangor, Dr. Tarmisal Alimin berkata, rampasan itu bagi mengelakkan penyakit boleh dibawa oleh kucing seperti Rabies, Parvo Virus dan Felino Infectious Peritonis (FIP) kepada manusia.

"Berdasarkan pemeriksaan mendapati, pemilik kucing itu gagal mengemukakan Sijil Kesihatan Veterinar dari negara



DUA ekor kucing baka Scottish Fold yang dirampas kerana tidak mempunyai Sijil Kesihatan Veterinar dari negara pengeksport di KLIA baru-baru ini.

pengeksporth.

"Siasatan turut mendapati harga bagi kedua-dua kucing tersebut dianggarkan RM10,000," katanya

dalam kenyataan di sini semalam.

Sehubungan itu, beliau menambah wanita tersebut telah melakukan kesalahan di bawah

Seksyen 15(1), Akta Perkhidmatan Kuarantin dan Pemeriksaan Malaysia 2011 (Akta 728).

"Sekiranya disabitkan ke-

salahan boleh didenda tidak melebihi RM100,000 atau penjara sehingga enam tahun atau kedua-duanya sekali," katanya.

# KERATAN AKHBAR

Tarikh: 5 Oktober 2020

Media Cetak/Elektronik	Harian Metro	Catatan:
Ruangan	Lokal	
M/Surat	11	
Perkara	Kawalan Penyakit	

## Maqis rampas dua kucing cuba dibawa masuk dari Rusia

**Kuala Lumpur:** Jabatan Perkhidmatan Kuarantin dan Pemeriksaan Malaysia (Maqis) merampas dua kucing yang cuba dibawa masuk dari Rusia di Lapangan Terbang Antarabangsa Kuala Lumpur (KLIA).

Pengarah Maqis Selangor Dr Tarmisal Alimin berkata, dua kucing itu dirampas susulan pemiliknya gagal mematuhi syarat dinyatakan dalam dokumen permit dikeluarkan Maqis.

"Pemiliknya warga tempatan yang baru pulang dari Moscow, Rusia.

"Pemeriksaan mendapati pemilik berkenaan tidak mematuhi syarat permit dikeluarkan Maqis dan gagal mengemukakan Sijil Kesihatan Veterinar dari negara pengeksport," katanya, se-



DUA kucing yang dibawa masuk dari Rusia oleh pemilik warga tempatan dirampas.

malam.

Menurutnya, kes berkenaan disiasat mengikut Akta Perkhidmatan Kuarantin dan Pemeriksaan Malaysia

2011 [Akta 728].

"Kegagalan mengemukakan dokumen berkenaan adalah kesalahan mengikut Seksyen 15(1) dan Seksyen

15(2) [Akta 728].

"Jika sabit kesalahan, tertuduh boleh didenda tidak melebihi RM100,000 atau dipenjarakan selama tempoh ti-

dak melebihi enam tahun atau keduanya sekali," katanya.

Beliau berkata, Maqis sentiasa memantau pintu ma-

suk negara bagi memastikan haiwan diimport bebas penyakit dan mematuhi syarat serta peraturan ditetapkan kerajaan.

# KERATAN AKHBAR

Tarikh: 5 Oktober 2020

Media Cetak/Elektronik	Kosmo	Catatan:
Ruangan	Negara	
M/Surat	7	
Perkara	Penguatkuasa	

## 2 smugglers caught with 3,000kg of frozen chicken

**KOTA BARU:** Attempts by a lorry driver and his attendant to distribute frozen chicken smuggled from Thailand to local traders ended with the duo being caught during Op Benteng on Saturday. The two, aged 23 and 34, were travelling from Rantau Panjang to Pasir Mas when they were arrested at Lubok Jong about 7.30pm. General Operation Force (GOF) Seventh Battalion commanding officer Superintendent Azhari Nusi said a GOF team spotted the two acting suspiciously and ordered the lorry driver to stop. Upon inspecting the lorry, he said the officers found more than 3,000kg of frozen chicken worth about RM40,000. "Investigations showed that the frozen chicken was brought in from Thailand for local distribution," he said yesterday.